

# Dal ati i'r diwedd

Dyfalbarhad / dewrder / gofal

Yn y dyddiadur dychmygol hwn cawn dipyn o hanes Betsi, neu Elizabeth Davies. Pan aeth i weithio i Lerpwl yn 14 oed, doedd ei ffrindiau na'i chyflogwyr ddim yn gallu ynganu ei chyfenw, sef Cadwaladr. Fe'i ganed ar dyddyn Penrhîw, ger Bala yn Sir Feirionnydd.

## Medi 15, 1793

Wedi bod yn gweithio yn Lerpwl ers rhai wythnosau. Mae'r bobl yn ei chael hi'n anodd i ddweud "Cadwaladr". Rwyf wedi penderfynu newid fy enw yn gyfan gwbl i Elizabeth Davies. Enw hawdd iawn i'w ddweud. Rwy'n darllen y Beibl ges i gan Thomas Charles bob nos yn ddi-ffael...

## Gorffennaf 20, 1816

Cael cyfle i deithio gyda'r teulu i bob rhan o Ewrop. Ymweld heddiw â maes brwydr Waterloo lle trechwyd byddin Napoleon. Rydw i wrth fy modd yn gweld y gwahanol olygfeydd...

## Medi 9, 1818

Wedi cael digon ar Lerpwl! Yn Llundain erbyn hyn yn gweini i deulu lle mae'r penteulu yn gapten llong. Ar grwydr unwaith yn rhagor. Gweld dipyn mwy ar y byd yn awr...

## Mawrth 10, 1832

Ar un o ynysoedd Môr y De. Cyfarfod â chenhadwr o Gymro, John Davies. Fe'i ganed ym mhlwyf Llanfihangel yng Ngwynfa, Sir Drefaldwyn. Rwy'n gobeithio mynd i Affrica. Maen nhw'n dweud fod hen athro Ysgol Sul i mi yno yn rhywle. Ond mae Affrica yn lle mawr iawn, medden nhw!

## Ionawr 12, 1854

Er fy mod yn 65 oed rydw i'n hwylio i'r Crimea i helpu'r milwyr.

## Rhagfyr 17, 1854

Wedi cyrraedd Caergystennin heddiw ar ôl taith hir a helbulus iawn. Tybed ydw i'n mynd yn rhy hen?

## Mawrth 30, 1855

Yn yr ysbyty yn Balaclava. Amgylchiadau difrifol. Mae'r ysbyty yn

Betsi Cadwaladr: 1789-1860

fudr ac yn drewi. Llauer o'r milwyr wedi eu hanafu'n ddrwg iawn. Dim adnoddau yma o gwbl. Y moddion a'r cyffuriau yn brin iawn. Mae hi'n anodd iawn trin y clwyfau, hen offer ac adnoddau...

### Ebrill 2, 1855

Mwy o filwyr yn marw. Ers wythnos mae 42 o filwyr wedi marw. Mae'r ffræe rhyngof a Florence Nightingale yn gwaethygu. Dydi hi ddim yn fodlon fy mod i a chriw o nyrsys eraill wedi dod yma o gwbl. Mae hi wedi fy nghyhuddo o wneud mwy o ddrwg nag o les yn yr ysbyty. Mae hyn wedi fy mriho. Caf gyfle i droi at Feibl Thomas Charles yn y man. Mae'n siŵr o godi fy nghalon!

### Mai 5, 1855

Methu cysgu dim neithiwr. Dal i feddwl am eiriau cas Florence. Dydw i ddim wedi bwyta dim ers dau ddiwrnod. Mae gweld cyflwr y milwyr a chasineb Florence tuag ataf yn effeithio ar fy iechyd...

### Mawrth 3, 1856

Rydw i wedi colli pwysau. Dydw i ddim yn bwyta fawr ddim erbyn hyn. Ofnaf y bydd rhaid i mi ddychwelyd i Lundain.

### Mai 1, 1856

Wedi cyrraedd Llundain heddiw. Rwyf am aros efo fy chwaer yn y ddinas fawr!

Ymhen pedair blynedd roedd Betsi Cadwaladr wedi marw. Fe'i claddwyd yn Llundain, ond ni wŷr neb bellach ymhle.



“Casewch ddrygioni. Glynwch wrth ddaioni.”  
Rhufeiniaid 12:9



Ein Tad.  
Mae hi'n anodd weithiau byw dan straen.  
Helpa ni i wneud beth rwyf ti eisiau i ni ei wneud  
er bod yna anawsterau ar y ffordd.  
Amen.



Oni fyddai'n well petai Betsi wedi gadael yr ysbyty yn Balaclava?  
Onid oedd y tensiwn rhyngddi a Florence  
Nightingale yn creu mwy o anawsterau?